

<https://news.usm.my>

Berita Mutakhir

20
MAR

MANTAN PENDAFTAR YANG DIPERTUA KELAB JASA BUDI USM




PULAU PINANG, 20 Mac 2015 - Mantan Pendaftar Universiti Sains Malaysia (USM), Dato' Azman Abdullah dipilih sebulat suara sebagai Yang Dipertua Kelab Jasa Budi USM 2015-2017 dalam Mesyuarat Agung Tahunan Ke-6 hari ini.

Beliau merupakan Pendaftar ke-6 USM dari tahun 2005 hingga 2010.



Berucap merasmikan Mesyuarat Agung Tahunan tersebut, Naib Canselor, Profesor Dato' Dr. Omar Osman turut melahirkan rasa sukacita beliau terhadap kemajuan kelab tersebut yang merupakan satu-satunya kelab pesara yang diwujudkan di universiti tempatan.


"Perjalanan Kelab Jasa Budi amatlah membanggakan walaupun hanya 435 ahli di Kampus Induk dan 53 orang ahli di Kampus Kesihatan, dengan kejayaan mengadakan aktiviti-aktiviti yang dijalankan amatlah membanggakan saya hasil usaha gigih dan kerjasama yang tak berbelah bagi semua pihak," kata Omar.



Universiti memberikan peruntukan tahunan sebanyak RM10,000 untuk membantu melaksanakan program-program yang boleh memberi manfaat kepada semua pesara amnya dan para ahli Kelab khususnya.

"Saya juga berharap Jawatankuasa baru yang dipilih oleh semua ahli akan mencemerlangkan dan mengembangkan Kelab Jasa Budi USM, lebih dikenali ramai dan seterusnya diharapkan mendapat pengiktirafan Jabatan Perkhidmatan Awam demi kebaikan dan kesejahteraan ahli-ahlinya," tambahnya lagi.

Mesyuarat Agung Kelab Jasa Budi USM dipengerusikan oleh Yang Dipertua Kelab Jasa Budi 2013-2015, Profesor Emeritus Dato' Dr. Amir Awang dengan pembentangan Minit Mesyuarat Agung Ke-5 (2014) dan Laporan Aktiviti Tahunan sepanjang tahun 2014.



Beberapa cadangan dari ahli telah dicatat untuk memperkemaskan lagi struktur kelab tersebut.


Dalam ucapan penangguhan, Azman menzahirkan rasa sukacitanya dilantik sebagai Yang Dipertua Kelab Jasa Budi yang baharu serta berikrar akan menggalas tanggungjawab tersebut dengan sebaik mungkin.





"Walaupun masing-masing mempunyai komitmen terhadap keluarga lebih-lebih lagi setelah meninggalkan dunia pekerjaan, namun semangat ukhawah yang ditonjolkan para ahli terutamanya pada setiap perjumpaan memperlihatkan kesungguhan ahli terhadap kelab ini, dan ini membangkitkan perasaan teruja saya untuk terus berbakti kepada kelab selagi mampu," kata Azman lagi.

Beliau turut merakamkan penghargaan kepada Profesor Emeritus Dato' Dr. Amir Awang yang menerajui Kelab Jasa Budi sejak ditubuhkan dan meletakkan asas yang kuat kepada pengurusan Kelab Jasa Budi.

 IMG 0118jh

 IMG 0123

Mesyuarat ini dihadiri oleh kira-kira 60 orang ahli Kelab Jasa Budi USM termasuklah 3 orang ahli bersekutu.

Kelab Jasa Budi USM adalah ilham daripada pengurusan tertinggi universiti yang pada mulanya dikendalikan oleh sebuah Jawatankuasa Penaja yang dilantik oleh bakal-bakal pesara semasa Bengkel Persediaan Bakal Pesara pada tahun 2003.



IMG 0138

Jawatankuasa Penaja Kelab ini telah mengadakan Mesyuarat Agung Pertama pada bulan Ogos 2004 dan dengan rasminya dilancarkan oleh Profesor Tan Sri Dato' Dzulkipli Abdul Razak, mantan Naib Canselor USM. - Teks: Siti Naquiah Binti Abdillah/Suntingan: Mohamad Abdullah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015